

Zeitschrift: Schwyzerlüt : Zyschrif für üsi schwyzerische Mundarte

Band: 35 (1973)

Heft: 4

Artikel: D Bijini im Bart

Autor: Imesch, Ludwig

DOI: <https://doi.org/10.5169/seals-192051>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 11.05.2025

ETH-Bibliothek Zürich, E-Periodica, <https://www.e-periodica.ch>

D Bijini im Bart

Der alt Hermaa ischt bi isch deheimu der grescht und bescht Biji-Zichter gsi. Är hett sus mit dene summundu und brummundu Tierlini güet chennu, und schi heint mu di güeti Lüeg immer mit anar tichtigu Hunig-Ärnta verdankt. Wenns z'Birchu nimme warm gnüeg gsi ischt, hett är schini Biji-Velker embri z'Chummu la trägu, wasch de scho frueh im Üüsttag an de Wiidli-Stüde und an andrum Gstrüch gnüeg zbiggu percho heint.

Wenns de öü am Bärg giblieht hett, sind ds Herma'sch Bijini wider emüecher cho und heint im Summer im Gärlich noch än dritti Fräss- und Sammilstation gfunnu. Nit vergäbu hetts wiit umenand im Oberwallis gheissu: Der Birchnerhunig ischt bsunners än güete!

Der alt Hermaa hett uf schiner Saagu und in der Schreineri immer Lehrbüebu gka. Di heint natirlich öü gäru va dem güetu Hunig gschläckot. Fär dass di nit ewig in der Versüechig miesse läbu, hett är schi in de erschte Täg va der Lehrziit an äs grossus Fassji voll gchlöüdrote Hunig gfiert und hett gseit: «So, Büebu, jetzt schläcket emmal gnüeg!»

Di Lehrgsellu heint schich das nit zweimal la sägu. Mit anam grossu Holzleffil sindsch in das weich, herrlich, siess Hunig-Meer gfahru und heint gschläckot und gschläckot — bisch eifach nimme heint megü. — Mu verzellt, di Gsellu heigi d'meischtu va discher Schläckeri äso gnüeg old zvill percho, dasch niemee verborgu über än Hunig-Bigxa geratu sigi ...

Wenn d' Bijni gschwärmot heint, hett das im Derfji immer än Üfre-gig gigä. Bald hett da anam Tröüf-Chännil old anam Böümascht, bald hie anam Dachsparru old Firschtböüm än Schwarm va summundu, brummundu Bijni ghangot. Das Ghöür hettit Iehr sellu gkehru! D Frouwwini heint ds Vorscher old du giblüemtu Italiener-Lumipu vor ds Gsicht gnu und d'Jungini heint gibrielot, bis der alt Hermaa, riewige und ärnschthafte wie immer, cho ischt. Än Chorb old suschter äs Gfäss hett är mitgibrungu, hett di Pfiifa emprännt und äs Tüech über du Chopf git. Und de ischt är an ds Wärch gigangu, und in churzer Ziit ischt der Schwarm versorgte gsi. Ich ha derbi nie ggeh, dass nu äs einzigs Biji gidornot hetti ...

Iisch andre is aber nit immer äso güt gigangu mit dene fliissige Brummeru. We wier im Steihüüs-Gartu gjätot old in der Neechi vam



Walliser Frauen in ihrer Sonntagstracht. Zeichnung von Margreth Hediger-Bürcher.

Biji-Stand gmehet hei, sindsch hienta schaaruwiis uf iisch losgizogu. Bsunners ab dum Sägusu-Wetzu sindsch wilti und zornigi cho, und mängischt hei wier ds Wärchziig miessu la fallu, si gflichtot old hei mit beide Händ gwehrt und gschlagu. Der alt Hermaa hett de gwändli mit schinum teifu Bass glachot wie suschter sältu ämal. Aber am Abund hett är de äs Glas Hunig gibrungu und hett derbi gseit:
«Da, nämmet fär di Üfregig, wa Lehr hiiu gka heit!»
Nach aner dicku Hunibrot-Schnittu hett mu de öü über dischi Biji-Gschicht chennu lachu...

Hienta is vorcho, dass di Biji-Chinigi und ihr Schwarm an de unmöglichschtu Ertru än «Landeplatz» gsüecht und gfunnu heint. Ämal is di Brunnu-Stutt vam altu Holztrog gsi, und niemo hett meh derfu ga Wasser reichu. Äs anners Mal sindsch zer offunu Chappällu-Port igflogu und heint schich an du Siidu-Mantol va der Müettergottes gheicht. Gfehrlicher hettis düe chennu si, wa än Schwarm schich uf dum längu Bart vam Bodmer-Feli nidergla hett und das Mal, wa schich di Bijini bi der Sant-Herrgottstags-Prozession du Fäderbusch am Helm vam Fännar üsgsüecht old öü düe, wa schich di wiltu Brummera in du wiissu Schleier vaner Müettergottes-Trägeri gsetzt heint...

Hett das jedesmal än Üfregig gigä! — Und jedesmal hett der alt Biji-Vatter riewig denu Schwarm gsammlot und versorgt. Der Feli, der Fännar und die Müettergottes-Trägeri heint zerscht, wa schi schich wider heint derfu mottu, gspitaklot und als Meglicha gseit. Der alt Hermaa hett, ohni ds Gsicht zverzieh, glosut und de ganz trochu gseit:

«Äs ischt ja no alls güet gigangu! Sid doch jetz nit dummer als di uverniftigu Tierlini!»

Mit anam Glas voll Hunig, anam Stumpu old aner Battilletu Gwäs hett är de du letschtu Zoru vertribu. Und so ischt gwändli alls wider in di beschi Ordnig cho — und di Bijini heint na dum Schwärmu öü wider zer altu Ordnig gfunnu...